

顏魯公文集

錫山安國刊

卷之四

碑

天下放生池碑銘 并序

皇唐七葉我乾元大聖光天文武孝感皇帝陛下以至聖之姿屬艱虞之運無少康一旅之衆當祿山強暴之初乾鞏勞謙勵精為理推誠而萬方胥悅尅己而天下歸仁恩信侔於四時英威達于八表功庸格天地孝感通神明故得迴紇奚霫契丹大食盾蠻之



屬扶服萬里決命而爭先朔方河東平盧河西隴右
安西黔中嶺南河南之師虓獮五年椎鋒而効死摧
元惡如拉朽舉兩京若拾遺慶緒遁逃已蒙赤族之
戮思明踰伏行就沸鼎之誅拯已墜之皇綱據再安
之宗社迎上皇於西蜀伸子道於中京一日三朝大
明天子之孝問安視膳不改家人之禮蒸蒸然翼翼
然真帝皇之上儀誥誓所不及已歷選內禪生人以
來振古及隋未有如我皇帝者也而猶姬煦萬類勤
唉四生乃以乾元二年太歲己亥春三月己丑端命
左驍衛右郎將史元琮中使張庭玉奉明詔布德音

始于洋州之興道泉山南劍南黔中荆南嶺南江西
浙西諸道汔于昇州之江寧秦淮太平橋臨江帶郭
上下五里各置放生池凡八十一所蓋所以宣皇明
而廣慈愛也易不云乎信及豚魚書不云乎鳥獸魚
鱉咸若古之聰明叡智神武而不殺者非陛下而誰
昔殷湯克仁猶存一面之網漢武垂惠纔致銜珠之
答雖流水救涸寶勝稱名蓋事止於當時尚介祉於
終古豈若我今日動者植者水居陸居舉天下以爲
池罄域中而蒙福乘陀羅尼加持之力竭煩惱海生
死之津揆之前古曾何髣髴微臣職忝方面生丁盛

美受恩寔深無以上報謹緣臯陶奚斯歌虞頌魯之
義述天下放生池碑銘一章雖不足雍容明聖萬分
之一亦臣之精懇也敢刻金石著其詞曰

明明皇帝臨下有赫至德光天乾元啓牘緯武戡亂
經文御曆孝感神明義形金石仁覆華夏恩加蠻貊
道冠巍巍威深號號邁茲多難克廣丕績慶緒既永
思明辟易人道助順天心惡逆撲滅之期匪朝莫
與此寶祚永康宗祐業盛君親功崇列辟交禪
粲然明白迥映來今孤高往策去殺留惠好生
率土之濱臨江是宅遂其生性庇介鱗翮環海

周天布澤致茲忠厚罔弗怡懌動植依仁飛沉受
流水長者徒稱往昔寶勝如來疇庸允格德力無
慈悲孔碩相時傳聞尚賴弘益矧在遭遇其忘敷錫
真卿勒銘敢告凡百臣貞卿以乾元三年春三月戊
辰撰至大曆七年秋九月己亥自撫州刺史蒙除湖
州八年秋七月戊戌於州駱駝橋東追建吳文休鑄
湖州烏程縣杼山妙喜寺碑

州西南杼山之陽有妙喜寺者梁武帝之所置也大
同七年夏五月帝御壽光閣會所司奏請置額帝以
東方有妙喜佛國因以名之舊置在州西金斗山唐

金華縣志卷之四
太宗文皇帝升極之六年春二月移於此山山高三百尺週迴一千二百步蓋昔夏杼南巡之所今山有夏王村山西北有夏駕山皆后杼所幸之地也晉吳興太守張玄之吳興疏云烏程有墟名東張地形高爽山阜四周即此山也其山勝絕遊者忘歸前代亦名稽留山寺前二十步跨澗有黃浦橋橋南五十步又有黃浦亭並宋鮑昭送盛侍郎及庾中郎賦詩之所其水自杼山西南五里黃蘗山出故號黃浦俗亦名黃蘗澗即梁光祿卿江淹賦詩之所寺東偏有招隱院其前堂西厦謂之溫閣從草堂東南屈曲有懸

巖徑行百步至吳興太守何楷釣臺西北五十步至避它城按說文云它虵也上古患它而相問得無它乎蓋往古之人築城以避它也有處士竟陵子陸羽杼山記所載如此其臺殿廊廡建立年代並具牙記中大曆七年真卿蒙刺是邦時浙江西觀察判官殿中侍御史袁君高巡部至州會於此上真卿遂立亭於東南陸處士以癸丑歲冬十月癸卯朔二十一日癸亥建因名之曰三癸亭西北於藜桂之間創桂棚左右數百步有芳林茂樹悉產丹青紫三桂而華葉異各樹桂之有支徑以袁君步焉因乎爲御史徑真

卿自典校時即著五代祖隋外史府君與法言所定切韻引說文蒼雅諸字書窮其訓解次以經史子集中兩字已上成句者廣而編之故曰韻海以其鏡照源本無所不見故曰鏡源天寶末真卿出守平原已與郡人渤海封紹高筭族弟今太子通事舍人渾等修之裁成二百卷屬安祿山作亂止其四分之一及刺撫州人左輔元姜如璧等增而廣之成五百卷事物嬰擾未遑刊削大曆壬子歲真卿叨刺于湖公務之隙乃與金陵沙門法海前殿中侍御史李嶸陸羽國子助教州人褚冲評事湯某清河泉太祝柳察長

城丞潘述縣尉裴循常熟主簿蕭存嘉興尉陸士修後進楊遂初崔弘楊德元胡仲南陽湯涉顏祭韋介左興宗顏策以季夏於州學及放生池日相討論至冬徙于茲山東偏來年春遂終其事前是顏渾正字殷佐明魏縣尉劉茂括州錄事參軍盧鏐江寧丞韋寧壽州倉曹朱弁後進周愿顏暄沈殷李甫亦嘗同修未畢各以事去而起居郎裴郁祕書郎蔣志評事呂渭魏理沈益劉全白沈仲昌攝御史陸向沈祖山周閔司議丘悌臨川令沈咸右衛兵曹張著兄墓弟薦蒸校書郎權器興平丞韋柏尼後進房夔崔密崔

萬寶叔蒙裴繼姪男超峴愚子頌顧往來登歷時村
山大德僧皎然工於文什惠達靈曄昧於禪誦相與
言曰昔廬山東林謝客有遺民之會襄陽南峴羊公
流潤甫之詞况乎茲山深邃群士響集若無記述何
以示將來乃左顧以求蒙俾記詞而藏事 銘曰夏
后南巡山名是因梁王東睽寺榜攸詢形勝天絕規
模鼎新避它城古垂釣臺堙棚以桂結浦由黃申二
庾迢遶三癸嶙峋徑列御史傳紆逸人紛吾著書群
彥惠臻海韻源鏡自秋徂春編同貫魚學比成麟幸
託勝引亟倍僧珍庶斯見傳金石不泯

開府儀同三司行尚書右丞相上柱國贈太
尉廣平文貞公宋公神道碑銘

於戲逆鱗劇上匡救之義深守死不回人臣之致極
况乎文包風雅道濟生靈建一言而天下倚平含九
光式序超無友而獨立者其惟廣平公乎公
祖弁魏吏部尚書襲烈人子祖欽道北齊黃門侍郎
並事跡崇高各見本傳高祖元節定州田曹曾祖弘
俊大理丞祖務本皇櫟陽令父玄撫衛州司戶贈戶
部尚書自田曹至于尚書皆實浮於名而位不充量

事見許公蘇頲所撰神道碑公七歲能屬文一編誦服鳥賦丁尚書府君憂水漿絕口者五日八九歲時嘗夢大鳥銜書吐公口中公吞之遂來而直上倏忽驚寤猶若下在霄間自後藻思日新襟懷益爽年十六或讀易曠時不精公遲而覽之自亥及寅精義必究明年進士高第補上黨尉轉王屋主簿相國蘇味道為侍御史出使精擇判官奏公為介公作松篇以自興梅花賦以激時蘇深賞嘆之曰真士才也轉合宮尉長壽三年從調判入高等有司特聞天后親問所欲公以代為唐臣不求榮達詭奏云家

本山東願得魏之一吏遂手詔授錄事參軍拜舞趨出后異而召還又手詔拜監察御史裏行尋丁齊國太夫人憂服闋築室反耕志圖不起俄而即真遷殿中侍御史同列有博于臺中者將責名品而黜之博者惶恐自匿翌日公獨正辭引過天后悅而釋之遷大官員外郎鳳閣舍人御史中丞乃謂所親曰吾比欲優游自免不圖要近驟至於斯其敢廢所職乎乃恣心納忠無所迴避時張易之昌宗兄弟席寵脅權天下側目公危冠入奏奮不顧身天后失色蒼黃欲起公叩頭流血誓以死爭拾遺李嶷奏曰陛下坐則

天下安起則天下危內史令勅公出公曰天顏咫尺親奉德音不勞宰臣擅宣王命詞氣慷慨左右震悚遂俱攝詣臺庭立切責二豎股栗氣索不敢仰視自朝至於日吳勅使馳救之公不得已而罷又令詣公謝罪公拒之後有慘恤二豎來吊公辭曰貴近不宜與執法通同假滿朝士慰公二豎又欲序進公舉板迎揖之不得成禮而去神龍之興復也公實佐其謀及當疇庸讓而不受曰清宮問罪事出五王祀夏中興功歸明主非曰逃賞誰敢貪天俄拜朝散大夫吏部侍郎兼諫議大夫遷黃門侍郎嘗遇梁王武三思

於朝三思方欲言事公正色謂之曰當今復子明辟王宜以侯就第何得尚干朝政三思慙懼而退請急累月俄而兼攝尚書左丞玄宗將幸西蜀深虞北鄙乃兼檢校并州大都督府長史又改兼貝州刺史與數人同辭三思獨揖公住公顧謂之曰諸人已出不可獨留遂揖之而去屬年穀不登國租罷入三思食邑公悉觸之既屢挫其鋒亦處之自若俄而真拜轉杭州又復遷相州尋入為洛州長史唐隆初拜吏部尚書同中書門下三品唐隆初即景雲元年也是年六月甲申改元唐隆七月己巳改元景雲璟之拜命

在丁巳未改景雲之前故曰唐隆初宰相表統言之
故曰景雲粵五日兼右庶子尋加銀青光祿大夫玄
宗之在儲闈鎮國太平長公主潛謀廢立嘗於光範
門內坐步檐中諷宰臣以此旨諸相失色莫敢先言
公盛氣詰之曰東宮有大功宗廟社稷主也安得異
議遂奏婦人干政恐生禍階請不令朝謁俄而男又
縱橫公奉之繇是貶楚州刺史主亦竟以凶終無何
復拜銀青光祿魏充冀三州兼河北按察使尋遷幽州
都督兼御史大夫復爲魏州入爲國子祭酒東都留
守開元二年尋拜御史大夫兼京兆尹貶睦州刺史

轉廣州都督充按察經畧討擊使又兼御史大夫特
許便宜從事前是首領桀驁多據洞不賓公之下車
無敢不蕲彼之風倍趨苟蘭茅茨竹梲比屋鱗次
火災歲起煨燼無餘公教之度材變以陶瓦千甍齊
翼萬堵皆興于今賴焉燕國公張說者爲碑頌無何
使中官楊思勗召公公拜恩而就馬便行在路竟不
交一言思勗以將軍貴幸泣訴于帝帝嗟嘆久之拜
刑部尚書四年遷吏部兼黃門監修國史五年改號
侍中明年幸洛陽至三嶠馳道險隘行不得前河南
尹李朝隱知頓使中丞王怡並坐當降默公奏曰必

若致罪二臣將來必受其弊遂命公捨之曰陛下責之以臣免之是過歸於上恩由於下臣請使且待非然後俾其復職上遂嘉而從之玄宗嘗命公名諸皇子及公主邑號既而又令各定一美名公奏稱七子均養鳴鳩之德錫以名號不宜有殊若母寵子愛恐非正家之道王化所宜玄宗悅而從之八年拜開府儀同三司進爵廣平郡開國公策勲上柱國狂豎權梁山構逆長安有司深探其獄勅公按覆如京兆司錄李如璧等百餘家皆以借宅假器悉當連坐公以婚姻假借天下大同至于蕞城其例尤衆知情即是同反無罪不合論李如璧之外一切原免天下欣服焉中書令河東張公公將明之材獨運廟堂之上鏡機朝澈見事風生風生求公規模悉閱堂案每至危言讜議執正守中未嘗不廢卷失聲汗流浹背其為通賢所服也如此十三年新舊史並作十二年駕幸東都以公為西京留守公極言得失無有所隱玄宗感悅制曰所奏之言置之座右出入觀省以誠終身因賜綵物二百疋明年又兼吏部十七年拜尚書右丞相雅善戲謔不常矜莊與故戶部尚書為王駿為莫逆之友晚而彌篤凡所談諧人輒䟽取端五日蒙賜鍾乳

命醫婦鍊或以為上藥異殊不宜委之公曰推誠求
信猶懼不應猜以待人信其可得聞者慙退二十一
年新舊史作二十年抗疏告老至于再三手詔優許遂特給
全祿賜絹五百疋還東京公以為大臣歸休不宜關
通人事遂杜絕賓客其年新舊史作二十二年駕幸洛陽公迎
拜道左玄宗親駐龍蹕使榮王琬勞問者數四自後
中使往來賞賚不絕方崇乞言之典以極師臣之敬
二十五年仲冬月十九日寢疾薨于東都明教里第
享年七十五天下下失聲玄宗震悼追贈太尉謚曰
文貞公賻物米粟常數有加喪葬官供仍詔河南少

女充監護使夫人齊國夫人博陵崔氏滄州

藝之女淑慎嚴整高明柔克訓諸子而慈且有

位丞相而德無違者門內之理一以見咨躡公而

允終借老嗚呼公有七子復同州司功先公而卒

昇尚書郎太僕少卿尚漢東太守渾職方郎中諫議

大夫御史中丞東京畿採訪使太子左諭德恕都官

郎中延原少尹華判入高等登封尉尉氏令衡右散

騎常侍兼御史中丞河南節度行軍司馬或肅或文

或哲或義克篤前烈以休令聞以戊寅歲五月二十

九日處奉遺約歸葬公于沙河縣太尉鄉丞相原之

先塋夫人合而祔焉禮也惟公間氣降神應期傑出生知禮度天縱才明玉立殿天子之邦介然秉大臣之節震電憑怒謹言而不有厥躬鼎鑊沸前臨事而義形于色蠢迪檢押難常情之所易志深直諒易古人之所難外其身而富貴不離行其道而死生勿替非夫含一之德格于皇天不二之心形于造次則何以异是乎允所謂振古之元龜皇王之威寶者矣且夫公之德烈充塞寰宇公之謀猷著明日月大曆五年冬十二月孫儼懼遺盛美不遠求蒙以真卿天祿校文叨太僕之下列憲臺執簡承諭德之深知雖青

史傳信實錄已編於方冊而豐碑勒銘表墓願備於論譔謹憑吏部員外郎盧僕所上行狀畧陳萬一多恨闕遺其辭曰

天命玄鳥降而生商湯孫之緒微子分疆詞招正則尉翼文皇吏部黃門紛綸耿光忠賢世出信史相望篤生丞相祚我有唐文明純嘏毅烈堅剛恒衛間氣星辰降芒熒然山立鏗爾金鏘忠孝之盛人倫紀綱垂髻能文夢鳥發祥通昔究易冲齡擅場勝冠結綬歷政洋洋乃尉合宮貳軺琅琅賦嗤梅艷篇美松長蘇公嗟稱才必佐王滿歲從調試言高驥登聞黼宸

驟列繡裳遙跡天官如珪如璋司言鳳閣綸綍煌煌
乃作中丞威稜莫當志除兇狡廷劾二張天后愕眙
百寮震惶公獨凜然出身激昂義形言色精貫穹蒼
皇室中興嘉謀克彰功成生讓事軼屠羊貳職選曹
諫議是匡載清流品屢奏封章乃侍瑣闈時維夕郎
悉心糾正庶績咸康三思睢盱席寵于常責之就第
慙懼靡立左曹攝轄大鹵于襄兼刺貝立朋辭鴈行
三思揖語公獨循墻處之不忤轉旆于杭既遷鄴城
遂尹洛陽乃作冢宰訐謨廟堂俄兼宮相亟縮銀黃
玄宗登儲鎮國是遑潛謀廢立謠詠相翔厥男撓政

累奏愆殃聿臨楚邦荐察冀方總督幽薊翻飛國庠
亞相烈烈尹京趙趙旋臨建德歛莅南荒俚帥咸旣
茅橈是攘張公頌德雋永甘棠所忠來召拜命即裝
略無交言帝用式臧載司刑吏八座抑揚兼監黃樞
鈞軸是將匪躬蹇蹇終始泔泔乃拜儀同允釐保鄣
河東閱故汗洽流漿狂豎犯關兇渠旣戕命公覆獄
咸脫死亡乃陟右揆決決每謔王君豈常矜莊懸車
告老庶保康強方崇潰醕孤映縑緗天不憖遺萎哲
壞梁一人震悼九有淒涼市旣罷賈春仍絕糗乃贈
太尉飾終禮滂返葬沙河羽儀央央闔朝傾祖河尹

護喪生榮死哀行路感傷令人孺慕攀泣嗶嗶高墳
崔嵬鉅鹿劇旁森梢宰樹繚繞連岡吁嗟廣平宅此
不賜孝孫翼翼論譔靡忘豐碑碣堅萬古誓相

開府儀同三司太尉兼侍中河南副元帥都
知河南淮南淮西荆南山南東五道節度行
營事東都留守上柱國贈太保臨淮武穆王

李公神道碑銘

昔宗周之中興也時則有若方叔召虎總師于肇啟
之業南威蠻荆東截淮浦以左右宣王詩人歌之列
在風雅我皇唐之反正也時則有若臨淮汾陽秉文

武忠義之資廓清河朔保乂王室翼翼戴三聖天下之
人謂之李郭異代同德今古一時公諱光弼京兆萬
年人也曾祖皇左威衛大將軍幽州經略軍副使府
君諱令節祖鴻臚卿兼檀州刺史府君諱重英父雲
麾將軍左領左羽林二軍大將軍朔方節度副使薊
郡開國公贈幽州都督司空諱楷洛皆以英果沉勇
累葉將邊愴威稜於幽碣公即薊公之第四子也體
渾元之正性秉弘毅之高躅天子純嘏生知禮度諱
兩遂默識冲深傑出經武之才鬱為興王之佐故
能東征北伐厭難康屯挺草昧不世之功允蒼生具

之望社稷威寶公之謂歟初天后萬歲中大將軍
韓國公武楷固為國將威震北陲有女曰今韓國
太夫人才淑冠族嘗鑒之曰爾後必生公侯之子因
擇蘇公配焉後果生公公年六歲嘗撫鹿而游薊公
視而誨之曰兒勿更爾公振手而起遂絕不為童戲
未冠以將門子工於騎射能讀左氏春秋兼該太史
公班固之學開元中起家左衛左郎將歷豐夏二部
督府長史尋遷

而每竭其力已官達小不如意猶加

能濟其勲業天寶二年拜寧朔郡太守四載
追率兼安北都護仍充朔方行軍都虞候五
心嗣河西節度兵馬使加游騎將軍守右領
軍賜紫金魚袋仍充赤水軍使八月襲封薊郡開國
公八載遷右金吾衛將軍充節度副使以破吐蕃及
平于副都護十三載為安思順朔方節度兵馬使思
順慕公信義請為婚姻公辭不獲免遂託疾罷官西
平王哥舒翰聞而韙之奏歸京師遂守道屏居杜絕
人事十四年冬十一月安祿山反范陽天下驛騷朝

金史卷之四
會文錄卷之四
廷軒食聿求虢闕之將爰統鷹揚之師明年春正月
起公為銀青光祿大夫鴻臚卿兼雲中郡太守攝御
史中丞持節充河東節度度支營田副大使知節度
事仍充大同軍使二月拜攝御史大夫魏郡太守充
河北道採訪使俄除范陽郡大都督府長史充范陽
節度使初公以朔方馬步八千人出土門其月既望
收常山郡前是太守顏杲卿裒長史袁履謙殺祿山
土門使李欽湊擒其心手高邈何千年屬太原尹王
承業不出救兵杲卿履謙為史思明所陷戰士死者
踰藉於滹池之上公親以衣袂拂去其上沙塵因慟

哭以祭之分遣恤其家屬城中莫不感激一心史思
明正圍饒陽馳來拒戰公屢摧陷之詔拜公兼御史
大夫俾今尚書令汾陽王郭公子儀悉朔方之眾與
公合勢南收趙郡又敗之於沙河夏六月戰于嘉山
大敗之斬獲萬計思明露髮跣足奔于博陵窮感無
計歸節於祿山祿山大恐逆徒幾潰屬潼關不守肅
宗理兵于靈武盡追朔方之師加公太原尹公以麾
下及景城河間之卒數千人至秋八月拜戶部尚書
同中書門下平章事史思明既有河北之地與蔡希
德悉眾來攻累月不尅而退公自賊逼城於東南角

張帳次居止竟不省視妻子每過府門未嘗回顧是
後決遣事務信宿方歸至德二年拜司徒冬十二月
十五日肅宗既還京師策勲換司空兼兵部尚書封
鄭國公食實封八百戶公弟光進亦以懋功同制封
拜乾元元年八月拜侍中其年冬十月與九節度圍
安慶緒於相州明年春三月史思明至滏陽屢絕我
糧道衆咸請公簡精銳以擊之交鋒意日思明奔北
于百里之外公反旆而歸煙塵亘天諸將皆以為賊
軍大至遂南渡黃河公至則無見矣廼歸于太原是
年夏五月除范陽節度使尋代汾陽王為朔方節度

八月充天下兵馬副元帥以數千騎東巡追兵
使張用濟會于汜水用濟獨來上謁公數其罪而
斬之因追都知兵馬使御史大夫僕固懷恩懷恩中
夜馳赴魚貫而前再宿遄至狄毫不敢犯公趣河而
東及滑州聞史思明已過河遂迎強旅以至東京移
牒留守及官吏等悉皆迴避公獨與麾下趣河陽橋
方達賊望之不敢近思明來至城下請見公已於城
上謂之曰我三代無葬地一身必以死國家之患爾
為逆虜我為王臣義不兩全我若不死於汝手汝必

死於我手將士聞之無不激勵相持凡八月思明暴
露不敢入東京乾元二年冬十月甲申賊將周贄悉
河北之衆萃于河陽城北思明以河南之衆頓于河
南南北夾攻表裏受敵公設奇分銳襲其
虛不
其軍臨陣擒其大將徐璜王殺獲畧盡贄
僅以身免收軍資器械不可勝數思明心悸氣索烟
火不舉者三日官軍大振初公以為戰者危事勝負
難必每臨陣嘗貯伏突於靴中義不受辱至是登城
西向拜舞因歔歔不自勝三軍見之無不淚下三年
春正月迁太尉兼中書令其年改元上元冬十一月

攻拔懷州擒其偽節度安太清二年春二月統僕固
懷恩自河陽趨河清與史思明合戰于却山屬風雨
晦冥王師不利公收合餘卒屯于垣縣遂引過請罪
懇讓太尉肅宗不能違之二月拜開府儀同三司中
書令兼河中尹節度使夏五月十有一日復拜太尉
兼侍中充河南副元帥都知河南淮南淮西山南東
荆南五道節度行營事出鎮臨淮時史朝儀乘卬山
之捷圍逼申安等一十三州自領精騎圍李岑於宋
州公之將吏皆兇懼議南保揚州公謂之曰臨淮城
池卑陋不堪鎮遏不如徑赴彭城俟其東寇躡而追

之賊可擒也遂趨徐州因召田神功宴慰與同寢宿以宋州之難告祖道郊外俾先飲以寵之分麾下隸於其將喬岫仍令兵馬使郝庭玉與岫犄角而擊之賊遂一戰而走使來告捷公已屈指俟報俄而吉語至焉今上登極寶應元年夏五月進封臨淮郡王廣德元年秋七月加實封三百戶通前後凡二千萬賜鐵券名藏大廟仍圖畫於凌煙閣冬十一月上在陝州以公兼東都留守制書未下久待命於徐州將赴京都屬疾痢增劇公知不起使使賫表奉辭廣德二年秋七月五日己亥薨于徐州之官舍初將吏等聞

以後事公曰吾久在京中不得就養今為不孝子矣夫復何言哉因取已封布絹各三千疋錢三千貫藥麥以分遺將士衆皆感痛不自勝及公云亡遂以其布為公製服庚申哀問至上都上痛悼之輟朝三日太夫人一慟而絕終夕方蘇上使開府魚朝恩就宅敦喻京兆尹第五琦監護喪事九月己未追贈太保十二月太常議行謚曰武穆夫人薛國夫人太原王氏哀長子太僕卿義忠並先公而逝次日太府少卿太僕卿象巖中丞彙等皆保家克荷備聞詩禮無忝燕翼過庭之訓冬十一月二十七日庚申泣而咨于

王母虔窈公于富平縣先塋之東禮也於戲公以甫
吉文武之姿兼樊仲將明之德王國多難群胡構紛
藉朔方偏師之旅入井陘不測之地思明挫銳於恒
定祿山側息絕望於江淮守太原而地道設竒保河
陽而雲梯罔冀破周贄於溫汎擒太清於覃懷走史
朝義叛渙之衆於梁宋救僕固瑒已危之軍於瀛莫
皆意出事外虜墜計天下無贅旒之患此皆公之
力也公兄遵宜遵行仕至將軍裒第光琰並不幸早
世次曰光顏特進鴻臚卿皆有才畧見稱時輩季曰
三太子太保兼御史大夫渭北節度使

涼國公清識表微沉謀絕衆剛亦不吐柔而能立與
公並時仗鉞分閫凌霄翼聖既有戴天之功華原統
帥獨聞禁暴之德方當會同正至榮耀君親入侍黼
帷峨二貂乎秦階之上歸聯綵服頓雙節於高高堂
之下斯歡未遺恨何居昔斛律丞相與弟并州同
務烈於北齊拔行臺與兄荊州亦宣力於西魏咸稱
義烈各懋勲庸而風樹寂寥偏隅隘比之我族事
則不侔真卿昔守平原因於兇羯繫公蒞止獲保餘
生束帶興居空想北平之禮操觚論撰敢隊中郎之
辭銘曰羯胡猖狂倣擾皇綱降生臨淮佐我興王維

此臨淮萬夫之望爰初發迹罔或弗臧出入忠孝人
倫激昂其心鐵石其行圭璋天寶末造河朔恒懷夫
子命公經營冀方沙河嘉山我伐用張思明歸節祿
山震惶潼關勿帥醜虜其亡肅宗有命大鹵于襄應
變如神兇徒靡亢介珪入覲台座用光俾公東征北
國是皇長圍鄴下望入河陽擒斬渠魁霆擊龍驤淮
濱鎮定徐土翱翔田蠖屈料場鷹揚不有神筭疇戡
暴強弟兄同時秉鉞煌煌方期凱旋雙映旗常晨趨
法座夕慶高堂如何不辰愆此百祥素輶反葬白驢
跼箱簫鼓悲鳴羽儀分行萬乘致祭千官送喪生榮
死哀身歿名揚渭水川上壇山路旁唯餘豐碑突兀
連岡往來必拜萬古沾裳

顏魯公文集卷之四終

顏魯公文集

卷之五

碑

河南府參軍贈秘書丞郭君神道碑銘

并序

錫山安國刊

夫騏驎千里之足陪於庭唐之內鴻鵠四海之志
於墜溲之羽此個儻竒偉之士所為嘆息者也取之
於人在於郭君矣君諱揆字良宰太原人也郭本號
叔之後春秋泉漢細侯得政事之美有道冠人倫之
目素絲作詠青溪招隱信為多士宜稱盛族五代祖

相隋驃騎大將軍開府儀同三司高祖澄皇朝朔方
道大總管涇鄜坊慶丹延夏七州刺史贈荊州都督
謚曰忠曾祖 朝散大夫太子洗馬祖義朝議大夫
贈鄭州刺史父虛已銀青光祿大夫守工部尚書兼
御史大夫蜀郡大都督府長史持節充劍南節度度
支營田副大使本道并山南西道採訪處置使上柱
國贈太子太師謚曰獻君生而聰明不為戲弄之事
長而清峻固雜綺紉之流辯對則江夏之童志意則
山東之妙大夫府君以其子氏之出故幼名封奴嘉
有應務之器故長字良宰蓋取待封宰割之義也既

少行動必由禮讀書不取其糟粕為仁罕

次亦足以保其嘉名楚之正則漢之臺卿乃其
也年十七崇文生明經及弟侍郎韋陟揚言於朝
其稽古之力許其青冥之價後調集侍郎李彭年
君所判足冠後生擢才子於公庭賀大夫於私弟
聲洋溢時莫與京授太常寺太祝加敬蒞事陳信
且辭每巡陵及郊必有歌詠潘河陽籍田之賦顏光
祿明祀之作復見前賢之致矣無何改授河南府參
軍天寶五載大夫總度瀘之師繫君奉循陔之養南
中汚下遂得氣先大夫憐其寔劇命訪秦鑿大夫

人懼其不起繼自蜀至何神不禱靡藥不嘗依親自
強望父增歎以天寶八載二月十八日終於安興之
私弟時年二十四皇帝聞而悼之贈祕書丞嗚呼斯
人不起子丕未識亦可爲長慟者矣君子曰夫孝弟
之至絜矩之道文章之絕周旋之儀可謂成人矣方
將培雄風罩白石憐乎得二幾乎弟一是以其疾即
御醫坐門其亡即天使歸贈陳師境上推以雨露之
私修文地下贈以蓬萊之職吊客多其文行操誅盡
於作者以五月二十一日葬于首陽鄉大塋之側君
志也先大夫懿其天姿親疏行狀敘其參玄之美歎
其老成之風方崇南峴之碑以慰西門之感伏滔受
遇爲人父也若斯祈奚至公其知子也如此斯文未
建頽山遂及太夫人東海于氏凌虛墜翼開緘悼心
望汝絕歸來之期抱孫有無時之哭遂成刊刻之意
以寄零落之哀銘曰

粲粲門子菲菲國香家傳玉樹人詠金相風流小褚
才貌潘郎一經自達六義名揚聞于密啓寘此周行
爲子道備從親路長旣銘絕壁亦奉垂堂霧露成病
膏盲遂亡天向京兆墳歸洛陽江堙初流水毀寒霜
茫茫蔓草蕭蕭白楊苦月墳上豐碑道傍披文相質

誰不沾裳

右武衛將軍贈工部尚書上柱國上蔡縣開國侯臧公神道碑銘

公諱懷恪字貞節東莞人其先出于魯孝公之子驅字子臧大夫不得祖諸侯其孫以王父字爲氏僖哀二伯旣納忠於魚鼎文武兩仲亦不朽於言哲丈人成功而遁迹子原抗節而捨生義和辭金飾之器榮緒奮陽秋之筆賢達繼軌紛綸至今曾祖滿隋驃騎將軍祖寵皇通議大夫靈州都督府長史父善德朝散大夫贈銀州刺史咸務遠圖克開厥後恤胤之慶

示宜哉公即銀州之第三子也身長六尺一寸眉目雄朗鬚髯灑秀雅寬善騎射尤工尺牘沉靜少言仁得衆竒謀冲邈英勇冠倫友于弟兄謹介鄉黨每敦詩而執禮不苟柔以吐剛蒞事而剖判泉流臨戎而智畧紛起所謂文武不墜高明有融者焉少以勲勞亟紆戎綬開元初嘗遊平盧屬奚室韋大下公挺身與戰所向推靡繇是發名玄宗聞而嘉之拜勝州都督府長史銳精佐理絜矩當官朔漠不空邊隅用人俄拜左衛率府左郎將轉右領軍中郎將兼安北都護中受降城使朔方五城都知兵馬使戎事齊

足十萬維羣我伐用張軍威以肅由是深爲節度使
王峻所器奏充都知兵馬使嘗以百五十騎遇突厥
斬啜八部十萬餘衆於狼頭山殺其數百人引身
據高環馬禦外虜矢如雨公徒且熾遽而紿之曰我
爲臧懷恪敕令和汝何得與我拒戰于時僕固懷恩
父設之適在其中獨遮護之諸部落持疑不肯公割
羊以盟之仗義以責之衆皆感激由此獲免遂與設
之部落二千帳來歸後充河西軍前將盤禾安氏有
馬千駟怙富不虔一族三人立皆毆斃軍州悚慄疇
敢不祗仰爲節度相國蕭嵩所賞後充河源軍使兼

不節度副大使關西兵馬使拜右武衛將軍吐蕃
不敢東向者累年俄封上蔡縣開國侯開元十二年
歲次甲子春二月二十有六日薨于鄴城之官舍享
年五十有六其年八月二十三日詔曰故具官某頃
以幹能亟承任使操行逾謹勞效未酬不幸遷殂良
增追悼可贈右領軍衛大將軍即以其年冬十月庚
戌遷窆于京兆府三原縣北原禮也嗚呼公兄左羽
林軍大將軍平盧副持節懷亮以方虎之才膺爪牙
之任孔懷斯切致美則深七子游擊將軍崇仁府折
衝希崇豐州別駕贈宋州刺史希相左武衛將軍朔

方節度副使贈太子賓客希忱右衛左郎將劍南討擊副使贈汝州刺史希愔右驍衛郎將靜邊軍使贈秘書監希景寧州刺史左金吾衛將軍贈揚州大都督希晏開府儀同三司行太子詹事兼御史大夫邠寧山南觀察使集賢待制工部尚書渭北節度使魯國公希讓等夙漸詩禮恭承教義芬潤挺蘭玉之姿英威鬻虜瀾之質而希讓識度弘遠器謀沉邃仁親以孝殿國以忠綽裕冠於人倫勲勞懋於王室至德中今上爲元帥東伐肇允押牙從收兩京陟降左右入侍帷幄旣崇翼戴之功出擁麾幢載叶澄清之

加以篤睦羣從糾綏宗族吉凶瞻恤終始無渝行道之人孰不嗟尚肅宗以公有謀翼之勤乾元三年春三月贈魏州刺史寶應元年冬十月又贈太常卿廣德元年冬十月詔曰孝以立身可揚名於後世忠能事主故追榮而及親開府儀同三司兼御史大夫元帥都虞侯魯國公臧希讓亡父贈太常卿懷恪業茂勲賢地華簪紱佩忠信而行已包禮樂以資身守節安卑幽貞自處養蒙全正聲利不營雖與善無徵促齡悲於逝歎而積善垂裕餘慶光於後昆故得業濟艱難功參締構出有藩條之寄入多爪牙之任位以

德遷禮宜加等父由子貴贈合超倫宜登八座之榮
式慰九原之路又贈工部尚書褒異之典於斯爲盛
臧氏自驃騎而下世以材雄朔陞尚書旣還特以功
懋當代兄弟子姓勲賢間出自大寶距于開元乘朱
輪而拖珪組者數百人迨于今茲繁衍彌熾縮軍州
而握兵要者相望國都有後之慶固殊異於他族者
矣真卿早歲與公兄子謙爲田蘇之游敦伯仲之契
晚從大夫之後每接嘗察之歡故公之世家竊備見
聞敢述遺烈將無媿辭銘曰

曾史褒者臧孫有之陳魚則諫納鼎以規歿貴言立

以至夫公英明雄毅鶚視騰彩龍驤作氣鋒淬霜稜
妙窮金匱謀猷泉寫翰墨風駛儒勇是兼勲庸以位
介馳戎馬猛奮虓虎絕漢援孤連兵戰苦萬虜鳴鏑
紛紛如雨一身抗詞譁諤連柱精貫雲日氣雄征鼓
狄人義激僕固誠全眇漫窮裔隨降幾千野靜沙雪
風恬塞煙我騎如雲我旗連天牧無南向凱有北旋
天子休之命侯開國謂福而壽康衢騁力奚今之遘
幽扃是即十城玉折萬里鵬息陣雲蒼蒼日暮無色
令人趨奉天眷孔明九原不作八座哀榮勇列徽範

芳時懿名里成冠蓋族茂簪纓萬古千祀瞻言涕零

東莞臧氏紉宗碑銘

并序

德有三孝弟稱其至常有五仁道原其終故興化所
一則曰疾其在矣死喪相恤疇能 莫 鵠鶴於

焉譬急難常棣所以勗趺萼紉宗綏族所貴因 誰
其庶乎吾見之於臧氏矣 伯禽國魯公子氏

驅魚賂太諫於信哀言聖兩垂於文武朗陵會吳而
滅蜀東郡感張而絕袁建義而辭器歸高奮筆而陽
秋與直賢明之盛今古莫崇積慶所鍾克生隋驃騎
將軍府君諱滿滿生皇朝通議大夫靈州都督府長

史府君諱寵寵生銀青光祿大夫銀州刺史贈太子
少師諱善德咸懷忠良克續徽烈古稱有後今見其
然少師生三子曰右武衛將軍贈幽州大都督

懷慶冠軍左羽林大將軍兼營府都督御史中丞
充平盧節度採訪兩蕃使懷亮河源軍使安北都護
右領軍將軍上柱國上蔡縣開國侯累贈太常卿魏
州刺史工部尚書懷恪皆行 才兼文武並

時迭將為國虎臣朔漠之間峻風斯在其功庸志業
各具三原縣先塋神道碑懷慶五子曰左金吾中郎
將范陽節度經略副使希古右威衛將軍中受降城

使希真殿中監朔方經略副使希賓原州長史監牧副使希咄銀青北平太守仍充軍使希逸懷亮五子曰勝州都督朔方節度副使敬廉金紫文安太守范陽節度副使希莊左清道率幽州經略副使敬之太常卿特進武州刺史今上元師都知兵馬使讓左監門將軍敬此懷恪七子曰右衛中郎將贈州刺史希崇豐州別駕贈宋州刺史希昶左驍衛中郎將贈太子賓客希忱忠武將軍贈汝州刺史希愔壯武將軍左威衛中郎將贈祕書監希景雲麾麟寧三州刺史左金吾將軍左街使贈揚州大都督希晏魯國公

希讓並稟訓義方丕崇闕閱遭逢明盛備展材良能
挺虓獾之姿 舉蘊韜鈴之略檢縱攸資糅蘭

玉而輝映階庭畫隼熊而光聯旗軼動庸之盛當

源長流深德盛祀遠開元天寶間宗族之紆

青紫佐麾幢者已數十百人迨乎今上當宁而諸孫冠軍左羽林將軍贈太子詹事彥英忠武左清道率瑗左清道率則少府監彥佺金紫太僕卿涉特進殿中監玠左金吾大將軍彥瓌正議湖州長史隨並不幸早世銀青棣州刺史瑜特進殿中監慈州刺史瑀特進鴻臚卿均特進太常卿彥昭開府太常卿彥嵩

正議杭州別駕巽銀青鴻臚少卿渙鴻臚卿願朝散
明州長史叔獻少府監楚卿朝散台州司馬晉卿朝
散洋州司馬叔雅符寶郎齊卿涇陽縣雲卿左金
吾衛長卿千干叔卿京兆府參軍叔清

容州都督兼御史中丞本管經略使元君表
墓碑銘

嗚呼可惜哉元君君諱結字次山皇家忠烈義激文
武之直清臣也蓋後魏昭成皇帝孫曰常山王邈之
十二代孫自遵七葉王公相繼著在博史高祖善梓
皇朝尚書都官郎中常山郡公曾祖仁基朝請大夫

常山公祖利貞 唐書作名 霍王府參軍隴

鎮以襄州父延祖清淨恬儉歷魏城主簿延唐丞思
閑輒自引去以魯縣商餘山多靈藥遂家焉及終門
人謚曰太先生寶應元年追贈左贊善大夫君聰悟
宏達個儻而不羈十七始知書乃受學于宗兄德秀
常著說楚賦三篇中行子蘇源明駭之曰子居今而
作真淳之語難哉然世自澆浮何傷元子天寶十二
載舉進士作文編禮部侍郎陽浚曰一弟汙元子耳
有司得元子是賴遂登高弟及羯胡首亂逃難于猗
玕洞因招集鄰里二百餘家奔襄陽玄宗異而徵之

值君移居讓溪乃寢乾元二年李光弼拒史思明於河陽肅宗欲幸河東聞君有謀略虛懷召問君悉陳兵勢獻時議三篇上大悅曰卿果破朕憂遂停乃拜君右金吾兵曹攝監察御史充山南東道節度叅謀仍於唐鄧汝蔡等州招輯義軍山棚高晃等率五千餘人一時歸附大墜賊境於是思明挫銳不敢南侵前是泌南戰士積習者君悉收瘞刻石立表命之曰衣丘將吏感焉無不勇勵璽書頻降威望日隆時張

元結有兵在泌陽乃拜君水部員外郎兼殿中侍御史充譴節度判官君起家十月超拜至此時論榮之屬荆南有專殺者呂諲為節度使諲辭以無兵上曰屬道士申泰芝誣湖南防禦使龐承鼎謀反并判官吳子宜等皆被決殺推官嚴郢坐流俾君按覆君建明承鼎獲免者百餘家及諲卒淮西節度使王仲為賊所擒裴茂與來瑱交惡遠近危懼莫敢誰何知節度觀察使事經八月境內晏然今上登極節使留後者例加封邑君遜讓不授遂歸養親特蒙獎乃拜著作郎遂家于武昌之樊口著自釋以見意

其畧曰少習靜于商餘山著元子十卷兵起逃難于
猗玕洞著猗玕子三篇將家瀼濱乃自稱浪士著浪
說七篇及為郎時人以浪者亦漫為官乎遂見呼為
漫郎著漫記七篇及家樊上漁者戲謂之鰲叟歲餘
上以君居貧起家為道州刺史州為西原賊所陷人
十無一戶纔滿千君下車行古人之政二年間歸者
萬餘家賊亦懷不敢來犯既受代百姓詣闕請立生
祠仍乞再留觀察使奏課第一轉容府都督兼侍御
史本管經略使仍請禮部侍郎張謂作甘棠以美之
容府自艱虞以來所管皆固拒山谷君單軍入洞湖

自撫諭六旬而收復八州丁陳郡太夫人夏百姓請
使請留大曆四年夏四月拜左金吾衛將軍兼御史
中丞管使如故君矢死陳乞者再三優詔褒許七年
正月朝京師上深禮重方加位秩不幸遇疾中使臨
問者相望夏四月庚午薨于永崇坊之旅館春秋五
十朝野震悼焉二子以明能世其業名雖著而官未
立以其年冬十一月壬寅虔葬君于魯山青嶺泉陂
原禮也嗚呼君其心古其行古其言古躬是三者而
身重於今雖擁旌麾幢總戎於五嶺之下彌綸寰宇
越於九天之上不為不遇然以君之才之德之美竟

不得專政方面登翼太階而感激不爲之太息也君雅好山水聞有勝絕未嘗不在路登覽而銘贊之感中行見知之恩及亡至今分宅以恤其子其不偷也多此類中書舍人楊炎常袞皆作碑誌以抒君之志業故吏大曆令劉袞江華令瞿令問故將張滿趙溫張協王進等感念舊恩送哭以終喪竭資鬻石願垂美以述誠真卿不敏常忝次山風義之末尚存肅往敢廢無媿之辭銘曰

山斌斌王之蓋臣義烈剛勁忠和儉勤炳文華國武寧屯率性方直秉心真純見危不撓臨難遺身

允全德今之古人奈何清賢素志莫申羣士立表垂聲不泯

顏魯公文集卷之五

顏魯公文集

卷之六

碑

錫山安國刊

特進行左金吾衛大將軍上柱國清河郡開
國公贈開府儀同三司兼夏州都督康公神
道碑

竭誠奉主之謂忠率義忘躬之謂勇忠勇不犯則名
登于明堂子仕教忠之謂慈戰陣能勇之謂孝孝慈
有裕則道存乎方冊兼此四者其惟清河公之族乎

公諱阿義屈達于姓康氏柳城人其先世爲北蕃十
二姓之貴種曾祖頡利部部落都督祖染可汗駙馬都
知兵馬使父頡利發墨可汗衛衙官知部落都督
皆有功烈稱於北陞公即衙官之子也正直忠鯁以
信行聞爲國人所敬長於謀略工騎射其弓十鈞二
十三爲阿史那頡佚施默啜等九可汗宰相秉心顯
一立言無二不吐剛以茹柔必蹈道而履義可汗每
有過失未曾不極言切諫蕃中重焉以北國家之
丞相宋璟初默啜弟拔悉密時勤嘗擊藥弒可汗公
竊而藏之密持示默啜默啜大怒將誅之公以爲請

但令歸于部落默啜知公至中忠繇是益加親信同列
四人莫與公比其後公以孤直屢見疑譖遂請退歸
可汗察公非罪尋復追爲宰相先是毗伽可汗小殺
爲其大臣梅錄啜所毒小殺覺之盡滅其黨旣卒國
人立其子伊然可汗無何病卒又立其弟登利可汗
華言登利猶可報也其母暎欲谷之女與其小臣飢
利達于預國政登利從叔父因左殺右殺東西分掌
其兵馬登利與其母誘斬西殺盡并其衆左殺懼及
乃攻殺登利自立爲烏蘇米施可汗拔悉密擊敗之
脫身遁走國中大亂天寶元年公與四男及西殺妻

于默啜之孫勃德支持勒毗伽可汗女大洛公主伊
然可汗小妻余塞匐登利可汗女余燭公主及阿布
思阿史德等部落五千餘帳并駝馬羊牛二十餘萬
款塞歸朝朔方節度使王斛斯具以上聞秋八月至
京師玄宗俾先謁太廟仍於殿庭引見御花萼樓以
宴之仍賦詩用紀其事拜公左威衛中郎將屬范陽
節度使安祿山潛懷異圖庶爲已用密奏公充部落
都督仍爲其先鋒使公旣不得已僨俛從之四載以
破契丹功遷右威衛將軍俄拜范陽經略副使五載
又破契丹功居多拜左武衛大將軍仍充節度副使

宗嘉之璽書慰勉盈溢篋笥十四載冬十一月九
日甲子安祿山反范陽公以天子有命陷身兇逆舉
家見質自拔莫由旣至東歸公泣血籲天次於寤寐
欲與諸子逃歸國家爲賊刑州刺史康節所告遂被
收繫廉奏被誅者二十餘人公之四子各奔于外賊
恐衆情不安貫之而後出至德二年闔門二百餘口
被安慶緒脅至安陽屬今上爲天下兵馬元帥統今
尚書今汾陽王郭子儀朔方之師諸節度迴紇之衆
東收二京公率四子及孫姪等十餘人肩死南奔至
汲郡爲從者所告家人殲焉二子没野波英俊挺身

行前二子屈須彌施英正持滿殿後沒野波妻阿史那氏爲公控馬登于西山至昌平界遇賊蔡希德以精騎三百遮路邀擊沒野波英俊馬奔之殺餘四十先人生擒四人冬十有一月七日投今上行營至馬帝聞而嘉之欲以開府儀同三司處公仍加實封公固辭乃受因以爲金吾衛大將軍加特進增封清河郡開國公食邑三百戶策勲

衛大將軍

卿

射

開府

儀同三司太常卿殿前衙前射生兵馬俄加上柱國姑臧縣開國子沒野波雲麾將軍左金吾衛大將軍

上柱國射生散騎常侍驃騎大將軍左武衛大將軍兼鴻臚上上柱國殿前射生使清河郡開國公英俊等官秩各有差因留公及屈須彌施英王供奉射生以沒野波英俊勇冠三軍並令東隨故太尉李光弼于太原後鄴郡瓦窯陣官軍與安慶緒相逼王思禮爲其所敗賊勢旣盛太尉與思禮相顧氣索沒野波英俊勃然奮怒遂直抵薄河當鋒擊之殺獲二千餘人賊衆方退太尉諸公覩而駭之賞雜綵百尺並以轉分麾下無所納三軍欽羨焉沒野波居常謙謹臨事勇銳戰則先鋒前無強敵捉生遊奕所向必摧

九節度之圍安陽也。史思明悉衆來救，沒野波以十五騎過河逆擊之，并馬刺倒者數人，生擒數十人。後擊懷州，思明又自來救，宵爽之際，侵軼柴籬。沒野波領甲騎三十，禦之賊軍，王子人一時摧敗，真卿之棄平原也。沒野波爲賊騎將，緩策不追，及聞渡河，然始奔躡，是以得脫於難。平原人至今稱之。英俊瞪視，耽耽姿氣，雄果發勁，矢持大槍，嶷然萬衆之中。左右馳突，無不辟易而退。嘗隨太尉討思明于河陽，賊驍騎萬餘於中圍城，索鬪將莫敢應者。英俊挺身奔擊之，應槍落者二十餘人。英俊被槍刺頰，貫喉而出，擺首

而去之，猶殺二人而還。太尉壯焉，遂以從。父尤妻了之，故天下之言勇者，以沒野波、英俊兄弟爲稱首。廣德元年，上幸陝州，公之諸子皆當扈從，公以體貌壞，碩難於舉動，方與之死訣。沒野波妻爲公介馬扶奔。華州公慮不免，謂左右曰：「我若爲賊所得，無累我兒。子乎？汝曹何不殺我衆人，感懼叫然，皆哭，遂竭力昇公。至于行在上，深嗟賞之，方極尊榮，以終宴喜。上天不惠，以二年青龍甲辰冬十有一月二十日甲寅，感肺疾薨于上都勝業坊之私第。春秋七十有五，親事左右，莫不勞而截耳，以哭初凌霄之難，公實援立。漣

水之屯公親總統上之反正父子從焉帝疇厥功遂
有開府儀同三司兼夏州都督之贈夫人清河郡太
夫人交河石氏左衛中郎將珍之孫左金吾衛大將
軍三奴之女温敏淑慎柔明端雅有女師母儀之德
克懋於家不幸遘疾以天寶十五載春三月八日先
公而薨永泰元年春二月十日壬申與公合祔于
年縣之長樂原禮也嗚呼公以沉果之姿抗英威之
志降精昴宿炳粹天街忠肅表於生知義勇形于死
次屬國家多難淪胥以痛壯一心而來事我君貴四
時不改柯易葉義方懇到相携於契闊之中臣節

三九於危亡之際天子感焉旣受腹心之託禁於
資馬俱列爪牙之地勲庸克茂聲聞攸歸叢綵衣於
玉帳之前羅五戟於一門之內不其盛矣昔蕭相國
舉宗佐命金日磾七葉珥貂望古儔今可謂同德其
孤等窮孺慕靡所寘哀聿求不腆之饌庶播無疆
之美銘曰

北方之強歟十有二姓強哉矯部落之雄者康執兵
柄緬乎耿特進誕生兮實登邦政德不擾暎女滅國
兮烏蘇不竟愠羣小三濱九死兮舉族致命丹心瞰
一門萬石兮彰厥誠敬皇恩曩生爲忠臣兮後有餘

慶其不夭家有孝子兮嚴親翊聖王之瓜乃立豐碑
兮百代遺詠鴻名表忠孝之際兮於斯為盛遠圖窅
金紫光祿大夫守太子太傅兼宗正卿贈司
空上柱國壠西郡開國公李公神道碑

昔周武以二公股肱王室然而允釐西土師保萬人
者其惟召公乎漢室以二傳羽翼儲宮然而亮采東
朝儀刑百辟者其惟蕭傅乎則九德之師六行之傳
親賢既美亦何代無其人哉隴西公才為國之垣翰
位為天之喉舌德為朝之元老行為帝之信臣蓋所
謂宗室之間生士林之傑出者也公諱齊物字道川

隴西成紀人自若水導其靈源而聖王人作高丘峻其
曾構而才子生玄元為宋帝之先祖聖有勤王之舉
盛德彌於百祀靈根固於千葉太祖景皇帝功高佐
魏慶始封唐家崇八柱之勳地半三分之業亦猶殷
人之祖契周室之宗文公即景皇帝之五代孫也鄭
王亮之玄孫淮安王神通之曾孫淮安王皇朝開府
儀同三司尚書左僕射贈司空盤石開府介圭錫瑞
尚周之晉鄭西漢之間平祖孝銳鹽州刺史父璟隴
州司倉贈弘農太守並清白貽範仁賢繼軌連華公
族濟美專城公稟乾剛之正性體坤順之中德爰自

岐嶷特鍾美秀儼然王公之量鬱有台鼎之姿固已
超等夷而出羣萃矣神龍初起家左在千牛備身歷
尚輦直長許州司馬華州司兵時方振拔勢已飛騰
此則江漢之濫觴嵩華之覆篲也丁太夫人憂公有
至性毀瘠過禮扶杖于家哭不絕聲者累月倚廬于
墓衣不解帶者終喪天子特降璽書就廬慰勦非常
之澤近古未聞服闋授鴻臚丞除尚輦奉御遷北都
軍器監事太原爲一都之雄鎮軍器掌五庫之禁
故乾沒之贓一徵百萬繕完之利費省巨億少尹嚴
挺之連奏課最擢拜長安令陸海殷湊五方浩劇公

以威禁暴以恕用刑邑里之人陶然大化遷將作少
匠殿中少監太府少卿懷陝二州刺史雖漢之宗室
不典三河而周之懿親先分二陝惟良之寄實在於
公嘗以黃河經砥柱之艱有覆州之患遂奏疏九派
鑿三門屬役而堅冰大合興功而烈火潛熾不愆于
素若有神焉人皆以公至誠之所感也又於石獲古
銘曰平陸遂以名縣焉玄宗異之賜貂裘一領絹三
百疋特加銀青光祿大夫鴻臚卿并公之先隴州府
君專城之贈上嘗賜公玉尺一詔曰謂之尺度可以
裁成卿實多能故爲此賜識者知公必將金玉王度

代天之工豈唯從容九列而已拜河南尹仍水陸運使屬左相李公適之尚書裴公寬京兆尹韓公朝宗與公爲飛語所中公遂貶竟陵郡太守時陸羽鴻漸隨師郡中說公下車召人吏口之曰官吏有箠箠不脩者僧道有戒律不精者百姓有泛駕蹶弛者未至之前一無所問而今而後義不相容數年問一境不變熙然若羲皐之代矣哀孤重老有隱逸奴道者常騎馬於里巷之中親自恤問量移安康即日上道老幼遮擁不得發者三辰轉漢陽蘄春其政如一公虛中自牧接下愈恭與物盡推誠之心正身無氣談之

上春行令大戶閱農輕裹糒糧重煩縣道化流
江漢如時雨焉故郡歷數四課事第一去思之感人
到于今稱之天寶末徵拜將作監重授鴻臚卿縱壑
巨鱗還游舊浦凌風勁翮俄返故林時國忠包藏於

內下關

中散大夫京兆尹漢陽郡太守贈太子少保

鮮于公神道碑銘

公諱_{仲通}字_{仲通}以字行漁陽人也其先出于殷太師
周武王封于朝鮮子仲食邑於于因而受氏漢有京
兆尹衰襄十二世孫康後魏秦州刺史直閣將軍武

威郡公忠於本朝爲齊神武所害康玄孫匡贊隋冠
氏長義寧初通議大夫匡資生士簡士迪並早孤爲
叔父隆州刺史匡紹所育因家于新政士簡士迪皆
魁岸英偉以財雄巴蜀招徠賓客名動當時郡中憚
之呼爲北虜士簡生令徵公之父也個儻豪傑多奇
畫嘗傾萬金之產周濟天下士大夫與妻兄著作郎
廣漢嚴從泉殿中侍御史何千里俱以氣槩相高不
肯仕官竟以壽終天寶九年贈遂寧郡太守廣德元
年又贈太常卿公少好俠以鷹犬射獵自娛輕財尚
氣果於然諾年二十餘尚未知書太常切責之縣南

有離堆山斗入嘉陵江形勝峻絕公乃慷慨發憤屏
棄人事鑿石構室以居焉勵精爲學至以鍼鉤其臉
使不得睡讀書好觀大畧頗工文而不好爲之開元
二十年年近四十舉鄉貢進士高第二十六載調補
益州新都尉視事二十日謝病去二十七年長史張
宥奏充劍南採訪使宥方謀拔安戎獨與公計畫
幕中之事一以咨公司馬章仇兼瓊惡之及代宥節
度乃移郡收公月餘仍釋之俄令攝判使事監越嵩
兵馬復奏充採訪使盡護叩南軍事首尾二載月
暑渡瀘者凡一十八度公秉操堅伎吏人望而畏之

改授新繁尉充山南西道採訪支使頃之雲南蠻動
瓊請公往以便宜從事公戮其尤害者數人蠻莫
服山南盜賊舊多光火公察其名居悉傾巢穴人到
于今賴焉俄拜左衛兵曹例遷也瓊以兩道採訪節
度使務悉以委公無何攝監察御史充劍南山南兩
道山澤使遷大理評事充西山督察使五載戶部侍
郎兼御史大夫郭公虛已代瓊節制郭以庶務一皆
仗公公素懷感激竭誠受委故幕府之事無遺請焉
六載拜監察御史公誅羌豪董哥羅等數十人以靖
川之地郭公將圖弱水西之八國奏公入覲玄宗

之即日拜尚書屯田員外郎兼侍御史蜀郡司
馬行軍司馬既略三河收其八國長驅至故洪
州哥舒翰隴右官軍相遇於橫嶺鳴鼓而還及郭
公云亡慟哭之曰公亡矣吾無為為善乎初郭公對
敷天休每薦公有文武之材堪方面之寄至是遂拜
公為蜀郡大都督府長史兼御史中丞持節充劍南
節度副大使公當大任既竭丹誠射討吐蕃摩彌城
拔之改洪州為保寧都護府塹弱水為蕃漢之界收
戶數十萬闢土千餘里屬恩敕命召祗赴京師至臨
臯驛上令中貴人勞問賜甲第一區又錫名馬兼供

御饌俄拜司農卿將不遠而復十一載拜京兆尹公
威名素重處理剛嚴公初善執事者後爲所忌十二
載遂貶邵陽郡司馬灌園築室以山泉琴酒自娛賦
詩百餘篇俄移漢陽郡太守下車閉閣唯讀玄經以
自適不幸感疾以十三載閏十有一月十有五日終
于官舍春秋六十有五載春正月歸葬于新政
縣嘉陵江之西岸先塋寶應元年追贈衛尉卿廣德
元年又贈太子少保公凡著坤樞十卷文集十卷並
爲好事者所傳於戲公負不羈之才懷當世之志方
及知命始擢一第從宦十年超登四岳拔身巴江之

下自致青雲之上非夫珪璋特達聖賢相遭則何以
凌厲沈浮若斯之速旣而言凶紂纏慶吊相隨天祚
排於賊臣雄圖屈於促景有足悲矣有子六人仲曰
贈左金吾衛郎將昊隨公陷于西二河力戰而歿季
曰前鄉貢明經晃神清才秀先公而卒伯曰壁州刺
史昇克篤孝行見稱衣冠公之捐館也萬里迎喪所
湍而輟疾拔筴段子章之稱亂也闔門逃賊安親而
晨夕板輿叔曰萬州刺史炅雅有父風頗精吏道肅
宗之幸鳳翔也竭誠幕府以佐公家今上之命庶僚
也由華原之政驟登省闈作牧萬州政績尤異有詔

遷秘書少監尋又改牧巴州幼曰青城尉晏雅曰成
都府參軍景皆保家之主亦著令聞公弟晉字叔明
篤厚溫敏少以任俠聞事公以悌稱與朋以信著好
讀書而不爲章句精吏道而尤擅循良再爲法官三
秉天憲二登郎署一宰洛陽從其兄之討南蠻也兩
軍交戰仗忠信而必使其間佐寧國之如迴紇也絕
域奉辭布皇明而皆得要領肅宗褒異擢拜商州刺
史無何超遷京逃尹不十年而兄弟相代論者傳之
永泰二年秋八月有詔自太子左庶子復拜爲邛州
刺史兼御史中丞邛南八州都防禦觀察等使真卿
與公同在御史亡兄國子司業允南弟今江陵少尹
允臧又與少尹同時臺省旣接通家之歡載敦世親
之好以爲祖謝永久所存者徽猷陵谷雖遷不朽者
金石銘功篆美敢墜所聞其詞曰

洪範垂体系殷封周鮮于身繇派漁陽兮世掌漢曆
子孫舄奕代有不績裊定襄兮冠氏促齡二孫夙丁
隨官不寧肇定疆兮嘉陵森森雲臺矯矯降生京兆
爲龍光兮有武有文剛嚴不羣克懋鴻勳制惟梁兮
旣靖巴蜀旣清輦轂日聞啓沃播周行兮結友不終
孤我深衷如彼飛蟲反予牋兮邵陽典午漢陽紆組

孰云心苦坦行藏兮天不憖遺哲人其萎反葬江湄
咥其傷兮此今有裕教忠有素天介景祚熾而昌兮
三世尹京二子專城一門載榮餘慶彰兮豐碑巍巍
盛業暉暉舉世是希與天長兮

顏魯公文集卷之六